

# ORET NE WENDI KAP JEHOVAH





©2015 by W.M.Press, Inc. Cover art, Edwin B. Wallace. Meryl Esenwein, komitei barak yu ak eng' Pechisiek 10, 12, 14, 16, 27, 29, 39, 41, 42, 44, 46, 47 ak 48.

# KIYAI JEHOVAH NG'ONY AK TUGUK 1 TUGUL CHE SABTOS

**“Eng’ taunet, ko kitoi Kamuktaindet koyai kipsengwetisiek ak ng’ony.”** –Taunet 1:1

**“Amu kigitoi keyai tuguk tugul eng’ inendet, che mi kipsengwetisiek ak che mi ng’ony . . . .”** –Kolosaik 1:16a

**“Oberurotin eng’ Jehovah, Ne kiyai kipsengwet ak ng’ony. Kipsengwetisiek ko kipsengwetisiek che bo Jehovah. Ago kiigochi ng’ony werikab bik.”**  
–T. Kalosunet 115:15, 16

Ki mie Ng'ony ye kingogochin Jehovah chito. Soman bukui-ni ming'in si inai kit ne kiyaak.



“Kimwa Kamuktaindet kole, ‘Ongeyai chito eng’ itondanyo, ko u kergeindanyo: ak ingoboi ichek njirenik...ak ng’ony komugul....”

—Taunet 1:26a

**“Ak kiyai Jehovah Kamuktaindet chito eng’ ng’ung’u-nyek, ak kobusyi serunekyik kabuset ne bo sobondo\*;  
kiek anyun chichoto, chito ne sobei.”** –Taunet 2:7

**“Kimwa Jehovah Kamuktaindet kole, ‘Ma mie kotebi chi inegei; ayachini ne toreti....’ Kiigochi anyun Jehovah Kamuktaindet chichoto ruondo ne nyigis, konuuch: ak konem karasta agenge, ak kotuge yoto banyek kogeere karasato: ak kiyai Jehovah Kamuktaindet karasato kiinemune chichoto, koek kwondo; ak komutyi chichoto.”**  
–Taunet 2:18a, 21-22

\*Sobondo ne sobei koboru kole tun kimi ui Koigeny.



Manyolu keebchi it tugetab Oindet.

**“Kiimut Jehovah Kamuktaindet chito kwo kotebe mba- 5  
retab Eden si kobiit kosemberi ak koribei. King’at Jehovah  
Kamuktaindet chichoto kolenji, Imuchi iam logoek che bo  
ket age tugul ne imache ne mi mbaret; ago amat iam che bo  
ketit ne bo naet ne kinae ne mie ak ne ya; amu eng’ betut ne  
keam che bo ketoto, imee ne matiny.”** –Taunet 2:15-17

**NDARET, NE KOGENY KEGUURE OINDET ANAN SETANI, KO  
KISAGE KAMUKTAETAB JEHOVAH, AK KOMWA LEMBECH.**

**“Kolenji ndaret kwondo, ‘Iman, mobegu.’ Ak ye kingogeer  
kwondo kole mie ketoto eng’ amet, ak ko kararan eng’ ko-  
nyek, ak ko ketit ne kichamei ne ing’omiti chi, kobut anyun  
... koam; ak kogochi manong’otiondennyi ... koam agine.”**  
–Taunet 3:4, 6

# KIMATA KOMUCH KOTEBE ADAM AK AWA MBARET KOGENY



“... Kiimaanda Jehovah Kamuktaindet inendet eng’ mbaretab Eden, si kobiit kobat ng’ony ole kiginemune. Konde Kerubik... ak rotwetab chok ne iliyeli... koribe oret ne wendi oldab ketitab sobondo.”

—Taunet 3:23b, 24b



# KI BETUT NE BO AROGENET ENG' BIK 7 TUGUL YE KINGOYAI ADAM AK AWA TENGEKTO



“...Ko u ye kimong’ji ng’ony tengek eng’ chito agenge, ak meet amu tengek; koityi anyun meet bik tugul....”

—Romanik 5:12b

## Kit ne Kibwati

Kisiktoi chi age tugul tengek ak tun mei betut age, amu kibun meet tengekto. (Soman Romanik 5:12 kogeny.)

## 8 CHOBETAB JEHOVAH KOSORUECH ENG' TENGEK KO KI KOYOOK WERINNYI NE INEGEI



“Ak tun sichei werit;  
ak iguure kainennyi JE-  
SU; amu inendet ne soru  
bikyik eng’ tengekwogi-  
kwak.” —Matayo 1:21

Si komong’ji bororietab bik,  
ko kinyo Weritab Jehovah ko  
u lakwet ne ming’in.

“Amu menyei eng’ inendet [Kristo Jesu] eng’ borto nyiiet  
tugul ne bo Jehovah.” —Kolosaik 2:9

## **JESU KO JEHOVAH ENG' ITONDAB CHI 9**

**“Eng’ taunet ko kimi Ng’olyondet, ak kimi Ng’olyondet ak Jehovah, ak ki Jehovah Ng’olyondet... Ak kiek Ng’olyot borto, ak komeny, kwenunnyo....”**

**—Johana 1:1, 14a**

**“Ak kagoyaak tuguchu tugul, si kobiit kosulda.... ‘Ogero, manachi bergeiyat, ak kosich werit, ak keguure kainennyi Imanuel;’ ye kiweech ko ni, ‘Mi Jehovah kobo-tech.’”**

**—Matayo 1:22a, 23**

**“Amu kagisikwech lakwet, kagigonech werit; ak ting’e inendet bounatet tigikiyennyi: ak kiguure kainennyi Kwong’utiet, Kiruogindet, Kamuktaindet ne bo Kamuktaet, Kwanda ne bo Koigeny, Bounindetab Kalyet.”**

**—Isaia 9:6**

# JESU KRISTO— KO TISEIYWONDENNYO NE TILIL

**“...Ne kima kongen tengek....”**

—2 Korintoek 5:21a



**“Inendet ne kima yai tengek....”**

—1 Petero 2:22a

Mami tiseiywot [Kagochinet] NE MIE ne ki imuchi kogoito chi ne kiyamei koisto tengek.

**“Amu maimugaksei eng’ ko-rotikab kirugik ak kwesik konem tengekwogik.”**

—Hebranik 10:4

Jesu ko Aruetab Jehovah.  
**ne ibei tengektab ng’ony!”**

**“Ogeero, Aruet ne bo Jehovah,**

—Johana 1:29b

## **KIIGOITO JESU SOBONDANYI SI KOSORUECH 11**

Kigibirji Jesu kimurtoiyot amu kiwech Inendet bik che yaach. Ago ki chobetab Jehovah meennyi. Kiigoito Inendet sobondanyi si kosorun inye ak ane eng' tengekwogikyok.

Kimwa Jesu kole, **“Marebena chi [sobennyu], ago agoitoi anege. Atinye kimnatet agoito, ak atinye kimnatet anam kogeny....”**

—Johana 10:18a

### **KIGIALECH ENG' KOROTIKAB ARUETAB JEHOVAH**

**“... Kigitiachak [kealak kogeny] omong' une atebeng'wong' ne bo buch ne kionyoru eng' kwanisiekwok,... ago eng' korotik che bo kamanutiet ne o, ko u che bo aruet ne matinyei berut ak ne matinyei tisia, choto ko korotikab Kristo.”**

—1 Petero 1:18a, 19

### **MAMI TISEIYWEK ALAGE CHE IMUCHI KOISTO TENGEK**

**“Kigitililech anyun eng' magonato eng' kagoitoetab bortab Jesu Kristo konyil agenge ak koyam.”**

—Hebranik 10:10


**12 “... Ko kagiityech imanda eng’ korotikyik, kesoruech eng’ neregekab Jehovah eng’ inendet.” –Romanik 5:9b**

“Kiptaiyat ibwata ye tun inyone eng’ bounateng’ung’.”



Kiiyan chorindoni Jesu ak kigisor.

“... Amwaun iman ale, Kitebye tuwai rani eng’ Paradis.”  
–Luka 23:43b



Kimaiyan chorindoni Jesu ko u noto ko ma kisor.

“... Amu ye kita ko ki kiptengeginik [che ma kasei it Jehovah], kome Kristo agobo achek.”  
–Romanik 5:8b

# TUGUL CHE IYANI WERITAB JEHOVAH, KOTINYEI SOBONDO

13

**“Amu kicham Jehovah ng’ony mising’, kot kogoito Werinnyi ne kigii inegei, si malus age tugul ne iyani inendet, ago si konyor sobondab koigeny.”**

—Johana 3:16

**“Ne kisoruech kemong’une kimnatetab mesundeito, ak kouutech kebe bounatetab Werit ne bo chamnyennyi; ne kitinye eng’ inendet katiagennyo\*, nyoetab kaat ne bo tengekwo-gyok.”**

—Kolosaik 1:13, 14

\*Kaguiyetab katiaknatet ko kealech ak keweektech.



**Ak kiwolji malaikaiyat kobogorisiek kolenji, “Amoiywei okwek: amu angen ale, ocheng’e Jesu, ne kigigartat. Ma komi yu; amu kago-ng’eet, ko u ye kiga mwa. Obwa, ogeer ole korue Kiptaiyat.”**

—Matayo 28:5, 6



**“Ak ko a ne Sobei; ak kiga amei, ak keero, asobe koigeny ak koigeny, ak atinye yateiywekab meet ak che bo oldab che kigobek.”** –Ng'ang'utiet 1:18

**“...Amu asobe, osoptosi ak okwek.”** –Johana 14:19b

Amu kigoterter Kristo meet ak kotinyei yateiywekab meet, ko ma konyoljinech kiywei meet kogeny.

**“Amang'un, Eng' betut ne aiyweisiei.”** –T. Kalosunet 56:3  
(Keer pech 46 agobo arorutikab Jehovah.)

## IMUCHI KOSORUN JESU AK KOSAUN INENDET

**“Ago amu tebyei inendet koigeny....Eng' noto anyun komuchi kogeny kosor agoi kasuldaet ichek che bwanjin Jehovah eng' inendet, amu sobei inendet koigeny si kobiit kosaei agobo ichek.”** –Hebranik 7:24a, 25

# EK EN JY KAN DIE EWIGE LEWE KRY



## Oret ngoro ne ibune INYE?

Jesu Kristo ko ORET ne itei SOBONDAB KOIGENY ak Jehovah.

Oindet (Setani) ko oretab MEET ne bo koigeny.

Kalewen Weri oretab iman ne bo Sobondab koigeny.

**“...Olewen rani ne oboisiechini....”** –Josua 24:15b

**“...Lewen sobondo anyun, si isob, inye ak iyoteng'ung'.”**  
–Ne Kibwate Ng'atutik 30:19b

## **JESU KRISTO KO ORET NE ITEI SOBONDAB KOIGENY**

**“Ama mi yetunet eng' chito age: amu mami kainet age eng' kureretab kipsengwet, ne kigigochi bik, ne kanyol kesorunenech.”**  
–Boisionik 4:12

**“Ane, ee, anendet, a Jehovah; ama mi yetindet age ko-batena.”**  
–Isaia 43:11

# 18 AMU NEE SI KO NYOLU KELEWEN JESU NGOT KEMACHE SOBONDAB KOIGENY?

## 1. *Kristo inendet ne kinyo.*

“... Kianyoy si kobiit konyor sobondo....”

—Johana 10:10b



## 2. *Kristo Inendet ne kichamech ak komechech.*

“... Weritab Jehovah, ... ak kiigoito-  
gei agobo ane.” Galatiek 2:20b

Kiek Jesu chito, borto ak korotik ko u  
achek, “... si kobiit kong'em eng' ore-

**tab meet inendet ne tinyei kimnatetab meet, noto 19 ko oindet; si kobiit kotiach ichek tugul che ki ratotin be-tusiekwak tugul eng' kaiyweisietab meet.”**

—Hebranik 2:14b, 15

***3. Korotikab Jesu, ichegei che wolunetab tengekwo-gikyok.***

**“...Amu korotik che yaei kagaigaet [konyo kaat] agobo sobondo.”**

—Atebetab Lawik 17:11b

**“...Ak kotililech korotikab Jesu Werinnyi eng' tengek-wogikyok tugul.”**

—1 Johana 1:7b

**“Ne kitinye eng' inendet katiagenno [yetunet], nyoetab kaat ne bo tengekwo-gikyok.”**

—Kolosaik 1:14



**4. *Kristo Inendet ne king'eet eng' che kibek.***

**“Kingen kele kiging'eet Kristo komong' eng' che kigobek: ma komeei kogeny; ma kotinyei meet bounatet eng' inendet kogeny.”**

—Romanik 6:9

**“Ak kimechi inendet tugul, si ma kosoptos agobo ge icheget che soptos, ago agobo inendet ne kimechi ak kong'eet kogeny.”**

—2 Korintoek 5:15

Kile Jesu, “...Amu asobe, osoptosi ak okwek.”

—Johana 14:19b

**5. Nyolu ketinye Tamirmirietab Kristo eng' orinnyo 21  
si king'eetech keityi sobondab koigeny (kesopche koi-  
geny).**

**“... Noto Kristo eng' okwek, kamang'unetab torornatet.”**  
—Kolosaik 1:27c

**“Ago ngo menyok Tamirmirietab inendet ne kiing'eet  
Jesu komong'une che kibek, kosoobi borwekwok che begu  
inendet ne kiing'eet Kristo Jesu komong'une che kibek,  
eng' Tamirmiriennyi ne menyeyi eng' okwek.”**  
—Romanik 8:11


**KEER ILE SOBEI TAMIRMIRIETAB KRISTO ENG' INYE**

**“... Ago ngo matinyei chi Tamirmirietab Kristo ko ma nenyi”**  
[ko ma bo Kristo]. —Romanik 8:9b

## 22 OLE INYORUNDOI SOBONDAB KOIGENY

Isub ka-  
yamisutichu  
itaune pech 24.

**“Naoksei lakwet  
eng’ boisionikyik....”**  
—Kalewenaik 20:11a



**“Chama Jesu, angen nito, mwawa Bukuit ko u noto.”**



**“Ago kiguur Jesu ichek kobwanji, ak kolenji, Ochamji lagok che mengech kobwanja, amat oete: amu bo che u chu bounatetab Jehovah.”**

—Luka 18:16

**“Agot ko u noto ma magetab Kwandang'wong' ne mi kip-sengwet, kolus [kong'emak anan kobet koigeny] age eng' chu mengech.”**

—Matayo 18:14

Matiny ko I ng'o anan ole imenye, chamin Jesu ak kimechin. Machei Jesu *chamnyeng'ung'* aginye. Imuchi iboru *chamnyeng'ung'* ne ichame Jesu ye igase it Inendet.

**“Ngot ochama, oribe ng'atutikyuk.”**

—Johana 14:15

# 24 OLE INYORUNDOI ORET NE ITEI OLE MI JEHOVAH

1. *Iyan ile I kiptengekyo (kiibistoe Jehovah).*

“Amu kigoyai tugul tengek, ama ityin torornatetab Jehovah.”

–Romanik 3:23

2. *Nyonji Jehovah ibune Jesu Kristo.*

“Amu mitei Jehovah agenge, katuiyoi det agenge agine kwenu-  
tab Jehovah ak bik, noto chito, Kristo Jesu.”

–1 Timoteo 2:5

“Eng’ noto anyun komuchi [Jesu] kogeny kosor...ichek che  
bwanjin Jehovah eng’ inendet....”

–Hebranik 7:25a

Kile Jesu, “...Inendet ne nyonjina ko maone [mawirtoi] matiny.”

–Johana 6:37b

### 3. *Sigu agobo tengekwogikuk.*

(Kaguiyetab sigunet ko kearogen kot koit keistoegei tengekto.)

“Osigu anyun ak owalage, si kobiit kibukto tengekwogikwok....”


–Boisionik 3:19a

“Maigaegei Kiptaiyat... mutoi agobo okwek, mamachei kolus chi age tugul, ago machei kobwanji tugul sigunet.”

–2 Petero 3:9

### 4. *Ng'ang'ji Jesu tengekwogikuk.*

(Kaguiyetab Keng'any ko kemwaita anan kiyen lelutiet.)



**26** Sir komie 1 Johana 1:9 eng' lainwechu, kinyorjin eunekab saet che mi pech 25.

---

---

---

---


**5. *Esie tengekwogikuk.***

(Kaguiyetab keesio ko kemeto, kebagakta inegei.)

**“Manyoru berurto inendet ne unyei bistaosiekyik: Ago nyoru rirenet age tugul ne ng’anyei ak kometo.”**

–Kalewenaik 28:13

**“Itabanegi yaitio, ak iyai ne mie . . . .”** –T. Kalosunet 37:27a



## 6. *Iyan Jesu Kristo.*

27

**“Amu nging’any eng’ kuting’ung’ ile Jesu ko Kiptaiyat, ak iyani eng’ muguleldang’ung’ ile kii-ng’eet Jehovah inendet komong’une che kibek, kesorun.”**

—Romanik 10:9

**“Amu kigesoruok eng’ mieindo eng’ kayanet; ...konunetab Jehovah; ama bo boisionik, si mailosgei chi.”** —Epesoek 2:8, 9

**“...Iyan Kiptaiyat Jesu, si kesorun, inye ak gong’ung’.”**

—Boisionik 16:31b

**28** 7. Taach Jesu Kristo konyo muguleldang'ung' ak sobondang'ung'.



*Inye* kityo ne imuchi koyat kurgetab muguleldang'ung' ak kottaach Jesu konyo orit. Kile Jesu, “**Keero, atononi eng' kurget ak agongonyi: ngo kas chi kutinnyu ak koyat kurget, awendi ole mi inendet, ak aamisie koboto inendet, ak koamis inendet kobota.**” —Ng'ang'utiet 3:20

“**Ago tugul che kitaach inendet, ko kiigochi kamuget koek lagokab Jehovah, ichek che iyani kainennyi.**”

—Johana 1:12

Ngot ko tomo isaa ak imache toretet si isaa, imuchi isub saet ne mitei yu kondoun:



**Ee Kiptaiyat Jesu,**

**Kongoi amu kiimei eng' kimurtoyot si iib tengekwoigikyuk. Mutyo eng' tuguk tugul che yaach che kiayai. Asomin ale kaigai nyo muguleldanyu ak imeny koigeny. Amang'un Inyendet nguno itilil muguleldanyu. Kanamin iegu Yetindet ak Kiptaiyandennyu.**

**Eng' kainetab Jesu. Amen.**

## 30 KOMI JESU MUGULELDANG'UNG', ITINYE SOBONDAB KOIGENY

**“...Kigonech Jehovah sobondab koigeny, ak mi sobonito Werinnyi. Inendet ne tinyei Werit kotinyei sobondo...”**

–1 Johana 5:11b, 12a

**“...Inendet ne kasei ng'olyondennyu, ak koyani inendet ne kiiyokwa,...kagomong' eng' meet komong'ji sobondo.”**


–Johana 5:24b

Tun kame bortang'ung', omitai ak Kiptaiyat (2 Korintoek 5:8).  
**“...Kristo eng' okwek, kamang'unetab torornatet”** (Kolosaik 1:27b).

Ngot ko kaisom Jesu konyoun kaat tengekwojikuk, ak iyani Kiptaiyat Jesu Kristo koek Yetindeng'ung', isirji kaineng'ung' yu:

---





Soman koitosiek kobun Bukuit ne Tilil (Ng'olyotab Jehovah) betut age tugul ak igonor eng' muguleldang'ung' ye inetigei koitosiek che ichegei che toretin. (Che chang' komitei bukuinito ming'in).

**“Bunu kabusetab Jehovah sirutiet age tugul, ak kotoreti eng' konetisiet [tuguk che iyani], eng' kergong'iet, eng' kateechinet, eng' kotigonet ne mi eng' imanda.”** —2 Timoteo 3:16

## 32 NG'ALALJI JESU ENG' SAET KOTUGUL



*Mwachi kongoi Jesu* amu tuguk tugul che kororon eng' sobet. *Ilosu Inendet* amu tuguk che kigoyaun ak amu kigosor sobondang'ung'. *Sachi kit age tugul ne imakynige*. Saa eng' kainetab Jesu.

“...Kele ngesom kiy age tugul ko u magennyi, kogasech.” –1 Johana 5:14b

“...Ngot osom Kwanda kiy age tugul, kogonok eng' kainennyu.”  
–Johana 16:23b

“...Ak osachinige okwege....”  
–Jakobo 5:16b

“...Ocham bunikwok, ak osachi ichek che usok.”  
–Matayo 5:44b

# SAET NE KIINET JESU ALAMALYENNYI 33

(Alamalyet ko chito ne isubi Jesu.)

Kilenji Jesu alamalyennyi kosa ko u ni:

**“Kwandanyo ne mi kipsengwet, Ingotililit kaineng’ung’. Ingonyo bounateng’ung’. Ingoyaak eng’ ng’ony mageng’ung’, ko u ye kiyaei eng’ kipsengwet. Konech rani amitwogikyok che bo ra. Ak inyoiywech kaat lelutikyok, ko u ye kinyochini kaat che lelwech. Amemutech ole mi yomset, ago soruech eng’ ne ya. [Amu neng’ung’ bounatet, ak kamuktaet, ak torornatet, agoi koigeny. Amen.]”**

–Matayo 6:9b-13

Nyolu kinetgei saoni. Saei kotugul kayanik saonito eng' tuuget ne mi barak kibagenge.

# INETECH NG'ATUTIK TAMANU CHE BO JEHOVAH OLE KISOBTOI

(Komang'u kurget 20)

*Che bo tai ang'wan, kong'alale chamnyenno kotokyigei  
Jehovah*

1. "Amecheng'jige cheptalelisiek che ter, kobatena anege."

2. "Ameyachige kanamwet anan itondab kiy age tugul, ... ameng'urukyi anan iot ichek...."

3. "Amemwa kainetab Jehovah Kamuktaindeng'ung' eng' tangoi...."

4. "Ibwat betutab sabato, irib, itaban."

Che bo let lo, kong'alale chamnyenno kotokyigei chito

5. **“Teech kwandang’ung’ ak komet....”**
6. **“Amerumisie.”**
7. **“Amoipge.”** (Ibetab ge ko atebet ne ma kiyani eng’ monong’otiot anan osotiot.)
8. **“Amechorse.”**
9. **“Amebaorianji chitab kokweng’ung’ eng’ lembech.”**
10. **“Amegase miat... kiy age tugul ne bo chitab kokweng’ung’.”**

**KASETAB IT ENG’ JEHOVAH KOIBU WOLUNETAB SAUTIKYOK**

**“Ak kiy age tugul ne kisome, kenyoru eng’ inendet, amu kiribe ng’atutikyik, ak keyae tuguk che chamakse i eng’ tainnyi.”**

## 36 NG'ATUTIK AENG' CHE EECHEN MISING'

### *Chamnyet ne tokyingei Jehovah*

1. “Ak kilenji, ‘Cham Kiptaiyat Jehovah neng’ung’ eng’ muguleldang’ung’ komugul, ak eng’ sobondang’ung’ komugul, ak eng’ ng’omnateng’ung’ komugul.’ Nito ng’atutiet ne o ak ko ne bo tai. –Matayo 22:37, 38

### *Chamnyet ne tokyingei chito*

2. “Ak ne bo aeng’ ne kergei ak nito ko ni, ‘Cham chitab kokweng’ung’ ko u ole ichamdoige.’ ” –Matayo 22:39

Ng’atutik tugul ko taman (pech 34 ak 35) ko mi tugul eng’ Ng’atutik aeng’ che eechen mising’.



## “Kurgetab Chamnyet” ne o

(1 Korintoek 13:1-8, 13)

**<sup>1</sup>Agot ndang'alale kutuswekab bik ak che bo malaikaisiek, amatinye chamnyet, ko kaegu sugunwet ne cheei, anan sanitab sugunwet ne bolei. <sup>2</sup>Ak ngot atinye konunetab maoinatet, ak angen ung'otik tugul ak naet tugul, ak ngatinye kayanet tugul, kot amuch autoe tulong, ago matinye chamnyet, ko a buch. <sup>3</sup>Ak ngot agoite tugukyuk tugul abae kibananok, ak ndagoite bortanyu kebeel, ago matinye chamnyet, ko magelwa kiy. <sup>4</sup>Muitoi chamnyet, ak ko tala; ama tynyei chamnyet ng'etkong', malosegei chamnyet, ama menei, <sup>5</sup>ama yaei ne ma nyolu, ama cheng'jingei chechik**

**38** inegei, ama iiti tagisiet, ama iiti yaitio; <sup>6</sup>mabaibai eng' ne ma bo imanda [ne ya], ago baibai eng' imanit; <sup>7</sup>sisei eng' tuguk tugul, iyani tuguk tugul, imang'u tuguk tugul, muitoi eng' tuguk tugul. <sup>8</sup>Mararu chamnyet agoi: ago ngo mitei maoinatosiek, kotun igesugei; ngo mi kutuswek che terotin, kotun, sistos; ngo mi naet, kotun igesugei.

<sup>13</sup>Ago tebyei nguno kayanet, kamang'unet, chamnyet, chuto somok; ago ne o eng' chuto ko chamnyet.

## **JEHOVAH KO CHAMNYET**

**“...Jehovah ko chamnyet; inendet ne menyeyi chamnyet komyeyi Jehovah, ak komyeyi Jehovah inendet.”**

—1 Johana 4:16b





(eng' gaa, eng' skul, eng'  
kanisa ak eng' ui tugul)

**Kile Jesu, "...Ui  
gong'ung' ole mi  
choronoguk, ak iborji  
tuguk che eechen che  
kagoyaun Kiptaiyat, ak  
ko u ye kagorirenen."**

—Mariko 5:19b

# **40 OLE KINAITOI LAKWETAB JEHOVAH NE BO IMAN**

**“Noto anyun onae ichek logoekwak.”** –Matayo 7:20

**“Ago logoiyotab Tamirmiriet ko chamnyet, boiboiyet, kalyet mui-taet, talasiet, mieindo, atepto ne kiyani, kaming’inetab ge, ribetab ge . . . .”**  
–Galatiek 5:22, 23a


## **LAKWETAB JEHOVAH NE BO IMAN KONYOCHIN KAAT ALAK**

**“Amu ngonyochini kaat bik kachiliilutikwak [lelutik], konyoiywok kaat agine Kwandang’wong’ ne bo kipsengwet.”** –Matayo 6:14

## **TUGUK 7 (TISAP) CHE WECHEI JEHOVAH**

**“Choto ko, konyekab menotet, ng’elyepta ne mwaei lembech, Ak eunek che tumdoi korotik che matinyei tengek; Muguleldo ne chobei kabwatutik che yaach, Kelyek che chepcheb korua-chin yaitiet; Baoriat ne ma bo iman, ne mwaei lembech, Ak inendet ne kolei toiyet eng’ kwenutab tupchosiek.”**

–Kalewenaik 6:17-19



## BOISIONIKAB BORTO:

41

“... Sokset, simdo, ... saetab kanamonik, bonisiet, bunyondisiek, ... nereknatosiek, toiyosiek, ... kong’ ne ya, bogitosiek, keiyandisiek, ak alak che u choto: ... icheget che yaei tuguk che u chuto ko manyoru bounatetab Jehovah.”

—Galatiek 5:19-21


“... Anan chemulkwonyinik, ... anan chorik, anan kipkeinik....”

—1 Korintoek 6:9c, 10a

## IGOCHI JESU KONYIITIN TAMIRMIRIENNYI AK KOTILILIN

“Ak ki u choto alak eng’ okwek: ago kigiunok, ago kigitabanak [keya-ak otillitu], ... eng’ kainetab Kiptaiyat Jesu Kristo, ak eng’ Tamirmirietab Jehovah nenyu.”

1 Korintoek 6:11



**(Soman Luka 16:19-26.)**

Keer ile kemang'u Jesu Kristo. Indoi Inendet kaineng'ung' Bukuinnyi ne bo sobondo.

**“Ak ngot kenyor chi age tugul ne kima kisirji bu-kuitab sobondo, kewirjin araraitab mat.”**

—Ng'ang'utiet 20:15

# **JESU KO ORET NE INEGEI NE ITEI OLE MI JEHOVAH**

**“...Kigonech Jehovah sobondab koigeny, ak mi sobonito Werinnyi.”**  
—1 Johana 5:11b

**“Amu melektab tengek ko meet; ago konunetab chamnyet ne bo Jehovah ko sobondab koigeny eng’ Kristo Jesu Kiptaiyandennyo.”**  
—Romanik 6:23

**“Tinyei sobondab koigeny ne iyani Werit; ama keerei sobondo ne magase it Werit, ago tebe neregekab Jehovah baragunnyi.”**  
—Johana 3:36

**“Kolenji Jesu, ‘A oret ak iman, ak sobondo: manyonjin chi Kwanda, ama eng’ ane.’”**  
—Johana 14:6



Eng' keeretab Johana ne mi Ng'ang'utiet 21, ko kigeer kipsengwet ne leel ak ng'onny ne leel.

**“‘Ak kouus inendet beekab kong’ alak tugul eng’ konyekwak; ama komi meet kogeny; ama komi kateiyet kogeny, anan rirek, anan ng’wanindo: kogosiirto tuguk che bo tai.’ Ak kimwa inendet ne tebe ng’echeretab laitornatet, kole, ‘Ogeero, ayae tuguk tugul koleelagitu.’...”**

—Ng'ang'utiet 21:4, 5a

Kigeer Johana kogeny Nganaset ne Tilil, Jerusalem ne leel, kochorugei ng'onny kobunu ole mi Jehovah komong'une Kipsengwet. **“... Ki tahabu che tililen nganaset, ko u glasit ne tilil. Ak kigilelesonji lumeiywekab irimet ne bo nganaset eng’ koik alak tugul che bo kamanutiet ne o....”**

—Ng'ang'utiet 21:18b, 19a

# **KIWO JESU KOCHOBJI GOT ICHEK 45**

## **TUGUL CHE IYANI INENDET**

**“Amogochi mugulelwekwok koiimgei: oyani Jehovah, oya-na agane. Mitei gorik che chang’ eng’ gotab Baba; nda kima ko u noto, ta kiamwawok; awendi achobwok koret. Ak ye awe achobwok koret, anyone kogeny amutok; si ole ami omite ak okwek.”**

**—Johana 14:1-3**

### **MWACHI LOGOIYWECHU MIACH BIK ALAK**

**Kile Jesu, “Oba ng’ony komugul, oamjinote logoiywek che miach bik tugul.”**

**—Mariko 16:15**

**“...Ng’om inendet ne soru sobonwekab bik.”**

**—Kalewenaik 11:30b**

## 46 ARORUTIKAB JEHOVAH ENG' LAGOKYIK

“...Magoi abagakten, magoi ameten.”

—Hebranik 13:5b

“Amu iyomisi malaikaisiekyik koribin, Si koribin eng' ortinweguk tugul.”

—T. Kalosunet 91:11

“...Ama mi chi ne imuchi koreb ichek eng' eutab Baba.”

—Johana 10:29b

“...Ami kobotok eng' betusiek tugul, agoi kagesunetab ng'ony.”

—Matayo 28:20b

“Ameiywei nyalilwogik che negit inyoru....Egu ne kiyani agoi meet, si agonin kutwet ne bo sobondo.”

—Ng'ang'utiet 2:10

“...Ye atebe mesundeito, koegu Jehovah lapkeiyennyu.”

—Mika 7:8b

“Kuura, si awolun....” Jeremia 33:3a





Tun king'eeti *chi tugul* komong'une meet.

**“... Amu nyonei sait, ne tun kasei kutinnyi tugul che mi kererisiek, ak komong’; ng’eetyin sobondo che kiyaei ne mie; ak kong’etyi kiruoget icheget che kiyaei ne ya.”**

—Johana 5:28b, 29



Isib kong'eetos *che kibek eng' Kristo*.

**“Ak achek anyun che kisoptosi, che ki ng’etunotin, keganabech koboto ichek eng’ bolik, ketuiye ak Kiptaiyat eng’ soet: ak ketebi anyun koboto Kiptaiyat koigeny.”** —1 Tesalonikek 4:17

**“... Ogenisie ak osae: amu mongen ye egune.”**

—Mariko 13:33b



**“Ogeero, nyonei koboto bolik; ak tun keerei inendet konda age tugul....”**

—Ng’ang’utiet 1:7a

Ribegai kristoisiek che bo lembech ak maotik che bo lembech.

**“Ngo Mwawok chi age tugul eng’ betu-  
noto kole, ‘Ogeero, mi oli Kristo, anan, olo;’  
ko mat oyan. Noto anyun ngo mwawok kole,  
‘Ogeero, mitei inendet surkwen;’ ko mat  
obe: ‘Ogeero, mitei inendet got ne bo orit;’  
ko mat oyan.”**

—Matayo 24:23, 26

### **NYONEI JESU ENG’ CHOKYINET ENG’ BOLIKAB KIPSENGWET**

**“Amu u ye mong’u kalyelet eng’ kong’asis, ak kegeerot agoi chero-  
ngo; egu ko u noto nyonunetab Weritab chi... Koteiyo anyun bororio-  
siek tugul che bo ng’ony, ak kogeer konyonei Weritab chi eng’ bara-  
gutab bolik che bo kipsengwet ak kimnatet ak lilindo ne o.”**

—Matayo 24:27, 30b

# TIENDAB KALOSUNET NE BO MESTOWOT

(Tiendab Kalosunet 23)

<sup>1</sup>**Jehovah mestowondennyu; mararua kiy.** <sup>2</sup>Kona arue ole mi suswek che nyalilen; Indoiywa awa ole mi beekab kalyet. <sup>3</sup>Isoobi sobondanyu: Indoiywa abun ortinwekab imanda agobo kainennyi.

<sup>4</sup>**Ee, agot ngabune atebwetab uruetab meet, Ko maiywei yaitio; amu imi kobota: Igaigaa kiroktang'ung' ak siaring'ung'.** <sup>5</sup>litoi meset eng' tainnyu eng' ole mi bunikyuk: Kaiile metinnyu mwaita; kagonyi kikombennyu kot kong'irtagei.

<sup>6</sup>**Isubota iman mieindo ak chamnyet ne tala betusiek tugul kote asobe: Ak atebe gotab Jehovah koigeny.**

Text from The Holy Bible in Kalenjin (*Bukuit Ne Tiliil*) ©1969 by United Bible Societies, African Regional Centre, Nairobi, Kenya. Used by permission.

---

Published in numerous languages as God supplies funds in answer to prayer. If you would like more copies for prayerful distribution, write in English. Specify which language(s) you need and how many booklets.

**World Missionary Press, PO Box 120, New Paris, IN 46553-0120 USA**



Read booklets online or by App  
[www.wmp-readonline.org](http://www.wmp-readonline.org)

Free — Ma kialdoi

[www.wmpress.org](http://www.wmpress.org)

8-17

2256 Kalenjin WTG

